

REGLUGERÐ FRAMKVÆMDASTJÓRNARINNAR (ESB) nr. 505/2014

2015/EES/8/22

frá 15. maí 2014

um breytingu á II. viðauka við reglugerð Evrópuþingsins og ráðsins (EB) nr. 1333/2008 að því er varðar notkun karamellubrúnna litarefna (E 150a-d) í bjór og maltdrykki (*)

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (EB) nr. 1333/2008 frá 16. desember 2008 um aukefni í matvælum⁽¹⁾, einkum 3. mgr. 10. gr.,

og að teknu tilliti til eftirfarandi:

- 1) Í II. viðauka við reglugerð (EB) nr. 1333/2008 er sett fram skrá Evrópusambandsins yfir matvælaaukefni sem samþykkt hafa verið til notkunar í matvæli og skilyrði fyrir notkun þeirra.
- 2) Breyta má skránni í samræmi við sameiginlegu málsmeðferðina sem um getur í 1. mgr. 3. gr. reglugerðar Evrópuþingsins og ráðsins (EB) nr. 1331/2008⁽²⁾, annaðhvort að frumkvæði framkvæmdastjórnarinnar eða í kjölfar umsóknar.
- 3) Karamellubrún litarefni eru matvæla litarefni sem eru sem stendur samþykkt til notkunar og skráð í II. viðauka við reglugerð (EB) nr. 1333/2008. Samþykkið tekur tillit til ásættanlegrar, daglegrar inntöku (ÁDI), sem vísindanefndin um matvæli ákvarðaði árin 1987, 1990 og 1996.
- 4) Matvælaöryggisstofnun Evrópu (hér á eftir nefnd Matvælaöryggisstofnunin) gaf út álit 3. febrúar 2011 að því er varðar endurmat á öryggi karamellubrúnna litarefna sem matvælaaukefna⁽³⁾. Í álitinu ákvarðaði Matvælaöryggisstofnunin að ásættanleg, dagleg inntaka fyrir flokk efna væri 300 mg/kg líkamsþyngdar á dag. Innan ásættanlegrar, daglegrar inntöku fyrir þennan flokk var sérstaklega ákvörðuð ásættanleg, dagleg inntaka fyrir E 150c karamellubrúnt, ammoníað sem nemur 100 mg/kg líkamsþyngdar á dag. Matvælaöryggisstofnunin komst að þeirri niðurstöðu að fæðutengdu váhrifin, sem vænta má að börn og fullorðnir verði fyrir, geti farið yfir ásættanlega, daglega inntöku fyrir karamellubrúnt (E 150a), karamellubrúnt, ammoníað (E 150c) og ammoníað, súlfítað karamellubrúnt (E 150d).
- 5) Matvælaöryggisstofnunin gaf út yfirlýsingu 3. desember 2012 um nákvæmara mat á váhrifum fyrir karamellubrúnu litarefnin E 150a, E 150c og E 150d og komst að þeirri niðurstöðu að fæðutengdu váhrifin sem vænta má voru talsvert minni en áætlað var í fyrra álitu⁽⁴⁾. Matvælaöryggisstofnunin komst þó að þeirri niðurstöðu að smábörn og fullorðnir gætu enn farið yfir ásættanlega, daglega inntöku fyrir karamellubrúnt, ammoníað (E 150c). Þó að aðeins hafi verið farið lítillega yfir ásættanlega, daglega inntöku (6%) á hærri váhrifastigum hjá smábörnum í einu aðildarríki fór ásættanleg, dagleg inntaka yfir 5–51% hjá fullorðnum í fimm aðildarríkjum. Að teknu tilliti til nákvæmari landsbundinna upplýsinga um raunverulega notkun á karamellubrúnu, ammoníuðu (E 150c) sýndu hlutaðeigandi aðildarríki fram á að raunverulegt inntekið magn er umtalsvert minna. Með tilliti til þess að váhrif hjá fullorðnum má einkum rekja til bjórs er þó viðeigandi að breyta notkunarskilyrðunum og ákvarða hámarksgildi fyrir notkun karamellubrúns, ammoníaðs (E 150c) í matvæla flokki 14.2.1 „Bjór og maltdrykkir“ til að tryggja öfluga heilsuvernd manna.
- 6) Samkvæmt 4. mgr. 11. gr. reglugerðar (EB) nr. 1333/2008 skulu hámarksgildin fyrir litarefni gilda um það magn litarefnis sem er í litunarblöndunni, nema annað sé tekið fram. Flókin efnasamsetning karamellubrúnna litarefna og takmörkuð þekking á þeim veldur því þó að erfitt getur verið að greina þau í matvælum. Lögbær yfirvöld gætu því, í tengslum við að sinna opinberu eftirliti, einnig íhugað að sannprófa magn 2-asetyl-4-tetrahydroxý-bútýlimídasóls, þ.e. óhreininda sem hægt er að ákvarða með greiningu og sem tekið var tillit til þegar sérstök ásættanleg, dagleg inntaka fyrir karamellubrúnt, ammoníað (E 150c) var ákvörðuð.

(*) Þessi EB-gerð birtist í Stjtið. ESB L 145, 16.5.2014, bls. 32. Hennar var getið í ákvörðun sameiginlegu EES-nefndarinnar nr. 260/2014 frá 12. desember 2014 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, biður birtingar.

(1) Stjtið. ESB L 354, 31.12.2008, bls. 16.

(2) Reglugerð Evrópuþingsins og ráðsins (EB) nr. 1331/2008 frá 16. desember 2008 um sameiginlega málsmeðferð við leyfisveitingu fyrir aukefni í matvælum, ensim í matvælum og bragðefni í matvælum (Stjtið. ESB L 354, 31.12.2008, bls. 1).

(3) *Tíðindi Matvælaöryggisstofnunar Evrópu* 2011 9(3), 2004.

(4) *Tíðindi Matvælaöryggisstofnunar Evrópu* 2012 10(12), 3030.

- 7) Umsókn um leyfi fyrir notkun á karamellubrunum litarefnum (E 150a-d) í maltdrykki var lögð fram 4. júní 2013 og gerð aðgengileg fyrir aðildarríkin skv. 4. gr. reglugerðar (EB) nr. 1331/2008.
- 8) Skilgreiningu á bjór er ekki að finna í löggjöf Sambandsins og landsbundnar skilgreiningar eru mismunandi eftir aðildarríkjum. Tiltækin vara, sem er flokkuð sem bjór í einu aðildarríki, gæti af þessum sökum verið flokkuð sem maltdrykkur í öðru aðildarríki. Þar eð þörf er á karamellubrunum litarefnum (E 150a-d) í maltdrykki af tæknilegum ástæðum og notkun á karamellubrunum litarefnum er einungis heimiluð í bjór hefur núverandi staða neikvæð áhrif á innri markaðinn og hindrar fjálsan flutning á þessum vörum. Því þykir rétt að leiðrétta þessa stöðu.
- 9) Maltdrykkir eiga það sameiginlegt að fullunnin vara inniheldur ekki malt sem slíkt og það eru líkindi milli þessara drykkja og bjórs að því er varðar þá tækni sem notuð er og þörf fyrir matvælaaukefni. Karamellubrun litarefni eru nauðsynleg til að færa lit, sem hefur orðið fyrir áhrifum af framleiðsluferlunum, aftur í samræmt horf og/eða til að bæta útlit maltdrykkja úr ljósu malti. Ekki er hægt að nota ristað malt til að ná fram dökka litnum þar eð það gefur sterkt bragð sem hentar ekki þessum vörum.
- 10) Maltdrykkir eru sérhæfðar vörur sem bjóða upp á annan valkost við vörur sem er sem stendur leyfilegt að nota karamellubrun litarefni í (þ.e. bragðbættar drykkjarvörur og bjóra). Því er ekki búist við að leyfi til að nota karamellubrun litarefni í maltdrykki myndi hafa umtalsverð áhrif á heildarváhrif af völdum karamellubrunna litarefna.
- 11) Samkvæmt 2. mgr. 3. gr. reglugerðar (EB) nr. 1331/2008 á framkvæmdastjórnin að leita álits Matvælaöryggisstofnunarinnar áður en hún uppfærir skrá Evrópusambandsins yfir matvælaaukefni, sem sett er fram í II. viðauka við reglugerð (EB) nr. 1333/2008, nema þegar ólíklegt er að slík uppfærsla hafi áhrif á heilbrigði manna. Þar eð rýmkun á notkun á karamellubrunum litarefnum (E 150a-d) í maltdrykki telst uppfærsla á þeirri skrá, sem ólíklegt er að hafi áhrif á heilbrigði manna, er ekki nauðsynlegt að leita álits Matvælaöryggisstofnunarinnar.
- 12) Því ber að breyta II. viðauka við reglugerð (EB) nr. 1333/2008 til samræmis við það.
- 13) Ráðstafanirnar, sem kveðið er á um í þessari reglugerð, eru í samræmi við álit fastanefndarinnar um matvælaferlið og heilbrigði dýra.

SAMÞYKKT REGLUGERÐ ÞESSA:

1. gr.

Ákvæðum II. viðauka við reglugerð (EB) nr. 1333/2008 er breytt í samræmi við viðaukann við þessa reglugerð.

2. gr.

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 15. maí 2014.

Fyrir hönd framkvæmdastjórnarinnar,

forseti.

José Manuel BARROSO

VIÐAUKI

Í stað færslunnar fyrir „E 150a-d“ í matvælaflökki 14.2.1 „Bjór og maltdrykkir“ í E-hluta II. viðauka við reglugerð (EB) nr. 1333/2008 komi eftirfarandi:

„E 150a,b,d	Karamellubrónt, Basískt, súlfítað karamellubrónt og Ammoníað, súlfítað karamellubrónt	efir þörfum		
E 150c	Karamellubrónt, ammóníað	6 000		
E 150c	Karamellubrónt, ammóníað	9 500		einungis <i>Bière de table/Tafelbier/Table beer</i> (upprunalegt magn maltvökva er minna en 6%); <i>Brown ale, porter, stout og old ale</i> “.